



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

II. Markgraf Woldemar schenkt das Dorf Zezenow dem Kloster Zuckau, am  
1. November 1313.

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

II. Markgraf Woldemar schenkt das Dorf Sezenow dem Kloster Zuckau, am 1. November 1313.

In nomine domini amen. Nos Woldemarus, dei gratia Brandenburgensis, Lusacie et de Landesberg marchio, tutorque incliti Johannis, de Brandenborch marchionis, cum manifesta recongnicione cupimus fore notum nichilominus protestantes, quod ob reverenciam omnipotentis dei sueque genitricis Marie necnon ob salutem et remedium nostre anime omniumque nostrorum predecessorum animarum damus et ratificamus pio szelu et favore ecclesie sancte Marie in Sucawe villam Ceczenowe et clausuram in Leba a lacu Lebsco usque ad salsum mare quocunque eciam dicta Leba a lacu sibi viam fecerit ad mare transeundo cum omnibus et singulis attinentiis ac omnibus libertatibus et iuribus, que ad nos dinoscuntur pertinere, transferimus per presentes ad ipsam ecclesiam predictam, ita quod ipsa perpetuo possidebit pacifice cum quiete. Ne igitur hec nostra donacio per nos rite facta queat in posterum per quosdam, quod absit, molestari, prefens dedimus scriptum nostri sigilli munimine firmiter communitum. Testes huius facti sunt fideles nostri Ulricus de Lyndowe et Guntherus de Keuerenberg, comites, et Slotekinus, nostre curie prothonotarius et alii quam plures fide digni. Datum Koninghesberg, anno domini millesimo trecentesimo tercio decimo in die omnium sanctorum.

Danziger Stadtbibliothek Gedanensia XV, 4° 104. Copiarium des Klosters Zuckau saec. XV, S. 15 a.

III. Markgraf Johann schenkt dem Kloster Semritz das Dorf Popow, am 8. September 1315.

In nomine domini Amen. Actus humani generis in obliuionis lapsum deciderent nisi aliqua perhennitate in futurorum notitiam deducantur. Hinc est quod nos Johannes, dei gratia brand(enburgensis), lusatie et de la(ndesberg marchio, ded)imus et damus religioso viro domino mathie abbati et conventui in sambriz et per presentes donamus donatione libera propriet(atem ville) popowe cum libertate omnimoda, nichil nobis penitus in ipsa villa iuris reseruantes, quam precariam volentesque ut ipsam villam sub metis et distinctionibus possideant subnotatis. Meta prima est inter villam popowe et villam Drageheym, ad arborem finalem stantem iuxta fundum versus Drageheym, ab hac arbore usque ad fontem studeniz directe inter zueryn et popowe, sicut ipse dominus prymez el rex polonie, distinxit cum predictis ciuibus de zueryn, de studeniz directe versus orientem usque ad stagnum saben, in quo vna tractura piscium pertinet ad villam popowe et de hoc stagno versus fossatum argille et de hoc fossato usque ad fornacem picis, que est post predictum stagnum et de hac fornace usque ad pinum directe in qua est cornu cerui, que est in via de meferiz versus zueryn et in hijs metis est situm stagnum dictum glyft. Item directe de hac arbore usque ad cumulos, qui facti sunt inter paludes zarniblot et de hijs usque zarniblot directe et hec sunt distinctiones metarum inter popowe et rugow, item mete inter popow et Goriz de zarniblot usque ad quercum, que refecatae st in qua est meta et hec est iuxta stagnum Glambeke. Item de hac quercu directe inter blefowe et popowe et Goriz usque ad montem vbi sunt duo cumuli extensi